

# Linzwi La Mulimu Nelitile Ku Mupolofita

## William Marrion Branham

### **“Jesu Kreste Ki Mulimu”**

*Cwale yani ki sinulo: Jesu Kreste ki Mulimu.* Yena Jehova wa Testament ya Kale ki Jesu wa ye Nca. Hakuna taba katata moukalikela, haukoni kunyakisia kuli kuna ni Balimu BABALAALU. Kono hape silwala sinulo ka Moya Okenile kwa kukutusa kuutwisisa buniti bwa kuli Kialimunw'i. Silwala sinulo kubona kuli Jehova wa Testamente ya Kale ki Jesu wa ye Nca. Satani na keni mwa keleke ni kubofaza batu kwa niti ye. Mi hane ba bofalizwe kuyona, nekusikanga nako kufitela Keleke ya Rome ituhela kukolobeza mwa Libizo la Mulena Jesu Kreste.

Nilumela kuli silwala sinulo ya Moya Okenile kubona buniti bwa Bunw'i bwa Bumulimu mazazi a haluli mwahal'a kulwanisa kokutuna kwa Man'olo. Kono keleke ya punyuho, ya tulo iyahilwe fa sinulo kacwalo lwakona kulibelela Mulimu kupatulula niti yaHae ku luna. Konohe, hamutokwi sinulo fa kolobezo ya mezi. Iten'i fani inze imilubukezi mwa pata. Kana ne'kaba bunolo ka muzuzu ulimunw'i kuli baapostola ba keluhe kuzwa kwa taelo ya niti ya Mulena kukolobeza mwa Libizo la Ndate ni Mwana ni Moya Okenile mi cwale nikubafumana mwa kusautwela kwakuitakaleza? Nebazibile seo Libizo nelilisona, mi hakuna niheba sibaka silisinw'i mwa moneba kolobelize ka nzila ifi kamba ifi kwanda mwa Libizo la Mulena Jesu Kreste. Zibo ye zibahala ikamitaluseza kuli Buka ya Likezo ki keleke mwa kezo, mi haiba nebakolobelize ka nzila yani, kona kuli yani kona nzila ya kukolibeza ka yona. Cwale haiba munahana kuli seo sitata, kisika man'i semunahana kase? Yo kaufela yana sika kolobezwa mwa Libizo la Mulena Jesu nanani kolobezwa hape.

Likezo 19:1-6, “Mi Apolosi ha'li mwa Korinte, Paulusi apazula manaha kusilela kwa Efese: mi afumana balutiwa

babanw'i, Ali kubona, kikuli muamuhezi Moya Okenile nako yemulumela? Mibali kuyena, Halusikabe luutwa kana kuna ni Moya Okenile. Mi ali kubona, Ki kuifi yemukolobelizwe kayona? Mibali mwa kolobezo ya Joani. Mi Paulusi ali, Joani kaniti na kolobeza ka kolobezo ya kubaka, kubulelala batu kuli baswanezi kulumela kuyanataha mwa mulaho wa hae, yani kiku Jesu Kreste. Basino utwa cwalo, ba kolobezwa mwa Libizo la Mulena Jesu. Mi Paulusi ababeya mazoho fahalimu, Moya Okenile wata fa halimu abona; mi ba bulela ka malimi asili ni kupolofita." Ki seo fo. Batu babande ba kwa Efese neba utwile kaza Mesia yana taha. Joani nnakutalize ka Yena. Neba kolobelizwe kwa kubakela libi, batalimezi KWAPILI kwa kulumela ku Jesu. Kono cwale neli nako ya kutalimela KWAMULAHO ku Jesu ni ku kolobezwa mwa SWALELO ya libi. Neli nako ya kuamuhela Moya Okenile. Mi hane ba kolobelizwe mwa Libizo la Mulena Jesu Kreste, Paulusi abeya mazoho ahae kubona mi ni Moya Okenile wataha fa halimu abona.

Oh, sicaba sesi kateleha sani kwa Efese neli batu babande; mihaiba yomunw'i nanani tukelo ya kuikutwa buiketo, nebaezize. Mulemuhe buhule kone ba zwelela. Nebatile musipili kaufela kuto amuhela Mesia yana taha. Neba itukiselize Yena. Kono hamuboni kuli nihakuli cwalo nebasika Mulemuha? Natile ni kuya. Neba lukela kukolobezwa mwa Libizo la Mulena Jesu Kreste. Neba tokwa kukuliswa ka Moya Okenile.

Haiba mukolobelizwe mwa Libizo la Mulena Jesu Kreste, Mulimu uka mi kulisa ka Moya wa Hae wo kenile. Laani ki Linzwi. Likezo 19:6 yona yelubalile neli talelez ya Likeo 2:38, "Mubake, mi mukolobezwe *man'i ni man'i* wa kumina mwa Libizo la Jesu Kreste kwa swalelo ya libi, mi muka amuhela mpo ya Moya Okenile." Mwabona, Paulusi, ka Moya Okenile nabulezi hona cwalo sana bulezi Pitrosi ka Moya Okenile. Mi sene sibulezwi HASIKONI kucinciwa. Sina ni kuba honacwalo kuzwa Pentekota kufitela yena muketwa wa mafelelezo ha kolobezwa. Magalata 1:8, "Kono nihane'kaba luna, kamba lingeloi kuzwa kwa lihalimu, kuto luta evangeli isili kuyelumilutile, abe anatema."

Cwale babanw'i ba kumina mwa bunw'i mukolobeza ka mafosisa. Mukolobeza mwa kupepwa sinca inge kuli kucimbekwa mwa mezi nekumi pulisize. Bunca habutahangi ka mezi; ki musebezi wa Moya. Munna yo ka Moya Okenile nafile taelo, "Mubake mi mukolobezwe man'i ni man'i wa kumina mwa Libizo la Mulena Jesu," nasikabulela kuli kupepwa sinca kwa mezi. Naize neli feela bupaki bwa "lizwalo lelinde ku Mulimu." Sani ki hona. 1 Pitrosi 3:21, "Siswaniso sesi swana sa kuli niheba kolobezo niyona cwale ya lupilisa (isi kutakulwa kwa bumaswe bwa mubili, kono kalabo ya lizwalo lelinde ku Mulimu,) ka zuho ya Jesu Kreste." Nasilumela.

Haiba kuna ni yanani muhupulo wa buhata kuli simuluho ya kona kunyaka kolobezo ya mezi mwa nzila isilisili kufita mwa Libizo la Mulena Jesu Kreste, Namieleza kubala litaba za kale mi muitebuhele ili mina ban'i. Taba yetatama ki pihoh yani ya kolobezo yene'ezahalile mwa Rome A.D. 100 mi neizwile mwa mutende wa TIME magazine, December 5, 1955. "Mutanga wa Mulimu ayemisa lizoho la hae, mi ni Publius Decius akena ka munyako wa kolobezo. Yana yemi kutunga kwa butelele bwa mwa teka mwa kasa neli Marcus Vasca mulekisi wa likota. Nasweli kumenya fo Publius akena kupaa mwa mezi bukaufi ni yena. 'Nasepahala?' a buza. 'Nalumela,' kwa alaba Publius. 'Nalumela kuli puluso yaka izwa ku Jesu yena Kreste, yana takisizwe mwa tas'a Pontio Pilato. Nenishwile ni Yena kulika Yena nibe ni bupilo Bobusa feli.' Mi autwa mazoho atiile amusweli haikwiseza ngombemongo mwa lisa, mi autwa linzwi la Marcus mwa zebe yahae- 'Nakukolobeza mwa Libizo la Mulena Jesu'-mezi abata ato muapesa."

Kuzwa foo kufitela niti hailateha (mi haisika kuta kufitela ni nako yamaungulo ye-se sizwa kwa Nicaea kufitela kufela kwa nako ye) neba kolobelize mwa Libizo la Mulena Jesu Kreste. Kono ikutile. Satani hakoni kubuluka sinulo mwatasi fo Moya ubata kuilukulula.

Eeni, kambe nekunani Balimu babalaalu, mwa kona hande-nde kukolobeza mwa Ndate, ni Mwana, ni Moya Okenile. Kono SINULO YENEFILWE KU JOANI neli ya kuli kuna ni MULIMU ALIMUNW'I ni Libizo la Hae ki

MULENA JESU KRESTE, mi mukolobeza ka Mulimu ALIMUNWI mi alimunw'i feela. Kikabakaleo Pitrosi na kolobelize ka nzila yani kwa Pentekota. Nanani kuba waniti kwa sinulo yeneli, "Ndu ya Isilaele kamukana haizibe kaniti, kuli Mulimu uezize yani JESU YA SWANA, Yena yemukokotezi, KUBA MULENA NI KRESTE." Kiyo fo, "MULENA JESU KRESTE."

Haiba Jesu ki "SIBELI" Mulena ni Kreste, kona kuli yena (Jesu) ki, mi hakoni kuba usili kono "Ndate, Mwana, ni Moya Okenile" ku Mutu ALIMUNWI ya bonahezi mwa nama. HAKI "Mulimu mwa batu babalaalu, bulaalu bobu fuyozwi," kono MULIMU ALIMUNWI, MUTU ALIMUNWI ni mikanga yemituna yemilaalu, ni liofisi zetaaluanza bonahalisa malumbatina ani. Hamuteleze taba ye hape. Yo Jesu yaswana ki "SIBELI Mulena ni Kreste." Mulena (Ndate) ni Kreste (Moya Okenile) ki Jesu, kakuli yena (Jesu) ki SIBELI sa zona (Mulena ni Kreste).

Haiba sani hasi lubonisi buniti bwa sinulo ya Bumulimu, hakuna sesika kona. Mulena HA'KI usili: Kreste HA'KI usili. Yo Jesu ki Mulena Jesu Kreste-MULIMU ALIMUNWI.

Filipi zazi lelinw'i naize ku Jesu, "Mulena, akulubonise Ndate mi kuluna kukalikana." Jesu ali kuyena, "Nibile nimina nako yetelele mi Haunizibi? Yaboni na uboni Ndate, kona kuli kin'i hauli, Lubonise Ndate? Na ni Ndate lunto Ilinw'i." Nenikile nabulela seo nako yenw'i mi kalibe ali, "Mwa muzuzu fela, Mun'aka Branham, wena ni musalahao munto ilinw'i." Nali, "Isi mufuta wo."

Ali, "Uli cwan'i?"

Kona kuli senili kuyena, "Kana wa ni bona?"

Ali, "Eni shaa"

Nali, "Kana wa bona musalaka?"

Ali, "Batili."

Nali, "Kona kuli bunw'i bwani ki bobushutani, kakuli naize, Hauboni Na, uboni Ndate."

Mupolofita naizekuli ikaba liseli mwa nako ya manzibwana. Mwa pina kun'ozwi:

Ikaba liseli mwa nako ya manzibwana,  
Nzila ya kanya muka ifumana luli,  
Mwa nzila ya mezi, lani kona Liseli  
kacenu,  
Kupumbekwa mwa Libizo lelinde la Jesu.  
Yomunca ni yasuopezi mubakele libi zamina  
kaufela,  
Moya Okenile ukakena luli mwa hali.  
Liseli la manzibwana litile,  
Ki buniti bwa kuli Mulimu ni Kreste ki  
sin'omoto sili sinw'i.

Haki kale hahulu nenii ambola ku Muluti wa Sijuda. Naize kuna, "Mina bamacaba hamukoni kuaba Mulimu mwa liemba zetaalu ni kumufa Mujuda. Lwa ziba hande kufita fani."

Senitoli kuyena, "Seo ki sona fela Muluti, halulemaki Mulimu mwa liemba ze taalu. Walumela bapolofita, haulumeli kana?"

Ali, "Kaniti na lumela."

"Kana wa lumela Isaya 9:6?"

"Eee."

"Kiman'i yana bulelwa ki Mupolofita?"

"Mesia."

Nali, "Kiswalisano man'i yeo Mesia akaba niyona ni Mulimu?"

Ali, "Ukaba Mulimu."

Senili, "Sani silukile." Amen.

Hamukoni kubeya Mulimu mwa batu babalaalu kamba liemba ze taalu. Hamukoni kubulelela Mujuda kuli kuna ni Ndate, ni Mwana, ni Moya Okenile. Ukamibulelela kakuakufa koo muhupulo wo nozwelezi. Majuda ba ziba tuto ye neitahisizwe kwa Nicene Council. Kikabakaleo balusoma kuba bahedeni.

Luambola ka Mulimu yasa cinci. Majuda balumela sani ni bona. Kono keleke neicincize Mulimu wayona yasacinci kuzwa ku ALIMUNW'I kuya ku BABALAALU. Kono liseli lakuta kanako ya manzibwana. *Ki taba ye komokisa cwan'i kuli niti ye itahile kanako foo Majuda ha bakutela kwa*

*Palestine.* Muliomu ni Kreste ki nto ilinw'i. Yo Jesu uinzi SIBELI MULENA NI KRESTE.

Joani nanani sinulo, mi JESU naali Sinulo, mi Naiponahalize ili Yena kasibili hona mo mwa Lin'olo -“KINA Yani yana liten'i, Yaliten'i ni Yataha, Ya mata. Amen.”

Haiba sinulo ikwahule ni mina, amutone mi mubate Mulimu ka yona. Yani kiyona feela nzila inosi yeo muka ikungela yona. Sinulo inani kuzwa ku Mulimu. Haitahangi ka mutu, libonahazo za butu, kono ka kukuliswa kwa Moya. Mwakona niheba kupeta Timana, mi nihakuba cwalo sani kisessinde, sani hasina kusipetahalisa. Inani kuba sinulo yezwa ku Mulimu. Ibulela mwa linzwi kuli hakuna yakona kubulela kuli Jesu ki Kreste konji ka Moya Okenile. Muna ni kuamuhela Moya Okenile mi kutuha fo, mi kifo fela, kona Moya ukamifa sinulo yakuli Jesu ki Kreste: Mulimu yena Yatozizwe.

(Kuzwa Mwa Siemba Sa Linako Zesupa Za Likeleke)

LOZI

©2015 VGR, ALL RIGHTS RESERVED

VOICE OF GOD RECORDINGS  
P.O. Box 950, Jeffersonville, Indiana 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)